

忠敏公遺文

下集

旱蝗分數疏

題爲地方災傷實甚民生國計堪虞謹再據實
奏報仰祈

聖慈大沛寬恤以拯子遺事照臣六月內題爲天
時久旱歲事可虞等事奉

聖旨據奏旱蝗爲災張國維着卽悉心率屬實圖
修省該部知道欽此欽遵該臣通行冬

誠祈禱省刑疏獄立圖消弭去後續據

府陞任府尹王心一呈稱府屬八邑多係高原每遇東作皆需池塘今歲五六兩月非常之旱雖百方虔禱僅獲數點甘霖而杯水無救車薪以致土田龜裂三農失望兼以蝗蝻蔽空雖畱數莖復道嚙盡匕之衆填擁號泣告蠲告賑本府備行各縣履畝親勘務分別被災輕重轉報請

題據各縣冊報如句容溧陽災至十分其外餘六縣輕重不等皆災至九分伏祈本院念今歲爲從來未有之旱裁其被災重者蠲免輕者改折庶可以活子遺之命至於發帑賑濟諒爲

聖明之所不靳仰祈俯賜具

題等因又據蘇松兵備帶管常鎮道事僉事宋繼登呈據常州府申據武無等五縣申報旱

災分數到府該本府知府陳瑄看得今歲自
四月不雨以至七月萬姓號呼徧野甚而叫
噪城市經旬不散幸上臺虔誠步禱冀回萬
一而膏雨未施蝗螟游至更螟蠹諸異盤踞
禾中十處而九奉憲檄諄詳雖旦夕禱雨并
畢力捕蝗而時當七月豐凶業已大定據各
縣踏勘與卑職耳目所聞睹大約武進之田
居高阜者什九而一苦於久旱再苦於飛蝗
西成之望已絕宜興一縣大半山山谷爲江流
之所不到而蝗災更甚於諸邑俱應議災十
分者也無錫之田低下者較多常苦於潦幸
支流尙衆雖蝗旱時有車救已竭僅可議災
七分靖江在海島之中似枯槁尙易而初夏
則苦蒔插之難施盛夏又困於江濤之浸泊
是旱與潦兩受之者也亦應議災七分江陰
處處通江今歲江潮獨漲於往時止甫田之

忠敏公遺文卷之四
中爲屏水所不能及者實七被災只可議災
六分以上五縣雖被災輕重不同而受傷則
一伏望軫念江南重地卽賜

題請旦夕

皇仁下沛地方鞏固非淺等因又據鎮江府知府
程峒看得江南賦役繁重人民輻輳未有江
流泛漲潮水湧注飛蝗蔽天驕陽不反相併
一時爲災如今歲者也本府救荒無策步禱
莫效據丹徒縣詳文該縣田地七分居山三
時不雨俱不能栽插三分坐沙江潮汎濫圩
岸衝坍禾苗概委之波臣矣丹陽縣詳文該
縣地方高阜驕陽爲戾業已三月秧苗枯稿
徧地龜文民命將靡子遺金壇縣詳文該縣
高原田地天時亢旱寸土莫耕或有稍種早
穀雜糧萌蘖出土異蟲蠶食殆盡惟有近水
田疇七百七十三頃有零竭力佈種復爲大

風偃而蝗蝻食高低焦土寸草不生細按三縣被災高下通算實有九分將何以資俯仰而輸賦稅言念至此大可寒心若不早爲繪圖上

聞請蠲議賑則賦無所自出民失所天本府不敢不仰體據實以陳者也等因又據鎮江衛管屯指揮陳世沐呈稱查左等六所百戶文干等四十八伍屯營坐落江北揚州府江都泰興泰州等處地方俱係高岡瘠沙碱薄土地時值赤旱禾苗未插苦佈蕎豆雜穀芽始出土蝗蝻簇傷泉壑飛塵稿草枯死人無食水悲聲流竄營室九空望絕烟火若此異災徵輸無計有司

國課郡邑黎民羣集哀呈已蒙申詳院道

題議蠲停軍民命同一體伏乞俯垂請

題蠲恤亟甦萬命仰祈俯賜等因又據蘇州府

知府陳洪謐呈稱今歲

天禍吾吳入夏以來亢陽爲虐河底盡裂車戽莫
救幸蒙本部院率屬祈禱冀挽

天心稍得甘雨而夏沒秋初又復乾旱兩月酷日
更炎未種者固已無望已種者又復焦枯雖
車戽之聲徹於晝夜而挽救成苗者大槩不
能什之一二卑職已經諭令各邑長吏備細
踏勘明白先將被災分數具繇申報外豈今
忽有蝗蝻頓生飛則成陣如雲集則千畝立
盡不惟禾稻悉遭其蠶食卽蘆葦稿草均罹
其毒喙村落小民無不對妻孥而哀號閭閻
士子莫不赴公庭而控愬卑職覩此情形實
切傷心慘目乃轉盼秋杪徵收及瓜無論
朝廷百萬漕糈無以應兌且窮民早暮饔飧將誰
糊口人心洶匕道路徬徨真有不可言者在
矣計吳縣災十分長洲吳江常熟崑山四縣

忠勉公遺文 卷下 集
俱災九分太倉嘉定崇明三州縣俱災八分
懇乞特以被災分數繪圖上

請破格蠲賑庶東南一塊地不致爲離散之鄉
而八邑之生靈稍免爲溝中之鬼等因又據
松江府知府方岳貢呈稱自賦額日增小民
困敝復時際其窮旱魃爲虐正當耕耨雨澤
允屯低窪者車戽難施高阜者凋枯立見旣
失秋成之望空費播種之資計災傷分數華
亭受傷四分上海青浦各受傷五分請乞破
格

題請慰此窮黎等因各報到道該本道覆覈四
府災傷雖微有輕重不同然皆江南從來未
有之災伏懇速賜會

題或蠲或折爲民

請命等因又據太平府當塗縣知縣黃昌允呈稱
四月無雨萬畦罄成荒土

國稅民生兩無所賴茲荒狀鱗集逐一查勘實數約山鄉之罹旱崇者計災七分等因又據蕪湖縣知縣胡崇德呈稱本縣田土切近大江地勢洿下旱魃肆虐苗近乾枯後復間有蟲災傷殘不等大約不足有秋之願難免於無年之憂也等因又據繁昌縣知縣張繼會呈稱繁昌田土山圩各半四月間雖亢旱不雨後因祈禱雨暘時若兼無淹沒蟲傷本縣以秋成高低計之十分有七等因又據太平府署印同知楊承芳呈稱本年七月二十七日飛蝗鱗集徧慈湖至采石等地方稻穀等苗被食傷者有十之七矣至本月本府城郭附近地方亦皆飛騰障天墜落滿地豆穀等苗亦被食傷見今俱各醮祀趕送俟各縣申報災傷確數至日另文通報等因又據安慶府望江縣知縣楊雲梯呈稱望邑濱江沮洳

地隘民貧奈五月連旬霖雨大浸稽天而江
楚上流溯泝匯合以致陸地成川洪濤萬頃
淹禾沒種舉目慘悽不意兵戈之後復罹水
患此卑職之與一邑士民痛心疾首仰天呼
籲也等因又據廣德州建平縣知縣何宏仁
申稱七月初六日親詣龍潭竭誠禱請卽於
是日得雨查得各鄉村雨澤分寸多寡不一
然時入處暑陰雨間作雖秋收未必盡登而
通一邑計之自此或可保什之七也第東北
梅渚一隅雨雖稍漑蝗仍可憂卑縣卽出諭
令居民捕蝗一石捐俸給銀二錢委巡簡謝
華督查務盡驅捕外合行申報等因又據江
陰縣呈稱蝗蝻集編四野前設醮禳禱未除
諭令捕獲未絕初爰止於清化等鄉一飛而
起聯絡數十餘里一棲而食戕噬百千餘田
如此慘災卽

國朝三百年來江南猶所未覩卑職親詣各鄉
踏勘赤地坵墟目擊心憫向也侵食一方今
則災遍通邑向也棲息之地信宿卽起今則
時往時來盤旋環噬前稍有剩今靡子遺尤
可憫者亢旱之後小民力救之餘膏血已竭
今盡付之蝗噬災黎攜老挈幼號泣田間呼
愴之聲哀號載道卑職救荒無策自省有慚
自初五至今幾及旬餘計收各鄉投報災呈
不下千紙獲解蝗蝻百餘石每石給賞錢三
百文冀以人力稍回

天意但今通受害災及十分將來漕白二糧籽粒
何辦金花京邊徵解何從矧今災傷未久民
懷轉徙之思日後輸納維艱必有逃亡之患
伏乞速賜具疏

請蠲請賑抒東南剝膚之憂等因又據靖江縣
知縣陳函輝呈稱卑職自申文報荒卽於初

五日停徵息訟率屬多方祈禱露宿在外處處踏勘靡神不舉不意薰天塞野之勢日增一日乘間竊發西北各團禾荳綿花俱被侵食寸草不畱今屯集於中洲永慶耿公山沙長安丁墅諸團成對子牛布塞田埂所集之處頃刻積至尺餘者不但數里遇之無不立盡卑職無德弭災有罪降罰已措設嘉錢數十萬勸諭老幼人等分頭多方捕捉但今荒稂徧境介孽食人不獨

國課靡輸兼慮人心洶七災上加災十分緊急伏乞俯念

國計民生亟賜題

請定奪等因各詳前來又淮安廬撫臣史可法會稿內開懷寧縣旱災望江縣水災太湖縣水旱相繼各緣繇到臣除寧國徽州池洲三府屬未據續報聽按臣就近查勘外該臣謹

會同巡撫安廬等處右僉都御史史可法巡
按應天等處監察御史陳起龍巡按蘇松等
處監察致臣該臣謹會同巡按王志舉看得
民以食爲天公私之所寄命惟在歲事水旱
螟蝗偶值其一卽有艱食之虞未有陽侯旱
魃交祟於一時而蘊隆介孽瀰漫於千里如
江南今日之甚者也臣於六月初旬見累月
不雨飛蝗渡江具疏奏

聞奉有悉心率屬實圖修省之

明旨臣仰承

睿慮悚惕不遑無日不與各屬省過改愆問疾苦
疏寃抑以圖消彌而奉職無狀

天譴難回大江則因鄰省霪霖異常泛漲江壩盡
化蛟宮陸地則因此方久旱異常焦枯澤國
皆成赤土飛蝗復自北而南轉自西而東無
地不徧所過皆殘繩匕相生日滋月盛瞬息

而行數十里遇水又能引類而渡其飛也排
雲擁霧白日爲昏其集也蔽野連塋高踰尺
許向來驕陽之所遺枯槁之所畱者舉不足
當其一嚙先食草蘆空而及樹竹樹竹殘而
及禾稻禾稻罄而廬舍之茅茨往七蠶食略
盡僅存環堵不惟奪民之食且與民爭處矣
臣雖行捕蝗給賞之約而車不勝載斗不可
量民間婦女老幼哀號震天束手待盡不堪
見聞有司繪圖見告無不至再至三以及鳩
形鵠面之徒日向臣衙門而哀訴令人掩泣
寒心臣尙未能寫其萬一也計其災傷分數
望江全被水災哀哉吳民何罹困至此極也
有司目擊慘傷請蠲請賑請折請緩代窮黎
而爲疾痛之呼微臣下念地方上念
國計使情非甚迫何敢不抑其請而仰賈
宸聰惟是三吳之地乃係

國家根本今日之災尤爲古今罕聞及今不爲之所毋論轉溝之慘挺走之變所不堪言而民命絕矣

國賦安出留子遺以效輸將所賴於浩蕩恩波真不啻雲霓之望矣故不避煩聒補牖上請伏乞

勅下戶部照近行事例行巡按御史不拘已報未報州縣凡被災傷悉行從實勘明具奏災民幸甚重地幸甚臣無任激切待

命之至

崇禎十一年八月二十日具

題九月二十三日奉

聖旨這續報三吳災蝗情形殊甚憫惻先行各地方多方拯綏其被災分數着巡按御史勘實具奏該部知道

請高淳永折疏

題爲虛糧賠累已極異災剝膚堪憐懇申請蠲
賑亟賜

題復未折以救倒懸事據應天府署府事府丞
徐石麒呈據高淳縣稱據本縣民甘露一等
呈前事等因申府據此該本府看得高淳地
居三湖患捍四府

國初建閘蓄洩有時民皆圍湖成田至永樂年
間改閘爲壩諸水涓滴不洩致實田十萬五
十畝盡沒於洪濤虛糧八千五百石通派於
闔邑以故稅重里消逃亡累苦自萬歷二十
四年以來比照嘉定等縣奉

旨允折已三十年矣天啓五年奉文暫徵本色一
年豈意歲復一歲使民擔饑賠

國賦剗肉補空糧更兼連年水勢浸淫螟蟲叢
食禾穗况當時同議嘉定等縣旋即議復未
折而淳邑未徼

忠敏公遺文卷下集
皇仁故於崇禎九年間民人韓錫光等赴

闕奏

請荷蒙

聖恩改折一年方民間之累少甦而徵漕之令隨
下是又困苦如前矣不虞今歲自春到今東
作不施秋成無望草木尙爾焦枯禾苗安得
佈種既見池塘生塵復遭蝗蝻噬盡斯淳邑
之災比他邑之災爲甚連年水螟頻仍今歲
旱蝗相繼民心遑乞求生無計誠有傷心惻
目之慘老填少散之悲則目今漕遼二糧不
惟無米可辦抑且無民可徵理合具詳本院
俯念高淳以空糧賠累之邑當異常未有之
災相應循照舊例具
奏未折仍行賑濟庶災黎得以邀優恤之實亦
可免挺而走險之憂庶於

國計民生大有裨矣因呈詳到

臣該臣謹會同

監察御史陳起龍看得江南疲困之地莫高
淳若也自廣通築壩而闔邑半成巨浸有田
而無田一苦也自本色暫徵而末折不能復
舊無田而有糧二苦也自賠糧貽累而死亡
流離四野蕭條之象不堪見聞無田而幾無
民三苦也筭七子遺無歲不號天無日不望
澤一則謂民其爲魚糧將安出宜按其被溺
之數以爲豁除一則謂本色之徵暫行於天
啓五年末折之

恩實始於萬歷二十四年暫徵不可爲常末折亟
當議復言之鑿七有據而改折漕糧尤屬目
前急着臣數年間爲之請

命者已三賫

天聽矣惟崇禎九年霪霖爲患蒙

皇上俯從臣請改折一年曾幾何時而今歲之災
又踵告也水難所未盡者旱魃盡之旱魃所

忠敏公遺文卷之八
三
未盡者飛蝗又盡之嗟也此土不化爲湖蕩
卽變爲甌脫有地而不可耕疾耕而不得食
家也倒度傾筐處也鬻妻賣子

畿甸之赤子遂成無告餘黎不惟不忍立視其
死且恐其不肯坐而待死也夫永遠之折有
萬歷年間之令甲可據災傷之折有崇禎九
年之近例可援臣今且不以令甲請而以災
傷請豈災倍於昔者

恩可減於昔乎雖虛糧望豁查勘尙待異時而折
兌完漕

膏澤必須立沛所謂燃眉之急升斗之沾惟在
此一舉也爲此合詞籲請仰祈

勅下該部查照崇禎九年改折事例速覆立賜
諭允施行

崇禎十一年十月初一日具

題十一月十二日奉

忠敏公遺文卷之四
聖旨該部酌議速奏

進水利全疏

題爲

聖主軫念民生微臣祗承

德意恭輯水利全書進呈

睿覽仰祈

聖鑒事臣待罪撫吳六年於茲矣地方洊罹災沴

十室九空輸將日訕竊怪三吳民力半以佐
國家之軍需何遂彫瘠至此每巡歷所至父老

遮道泣愬謂裕

國救民非亟興水利不可臣恭覩

皇上御極之初咨詢東南水利又頻下

詔旨着令查議舉行臣職在撫循若不悉心體究

上辜如傷之視下負疾痛之呼臣罪滋深亟

延攬諏咨知吳爲澤國歷代講求水利故成

沃壤

高皇帝定鼎金陵卽允蘇民俞守仁開修水利之請

文皇帝特命專官大濬吳淞白茆

宣宗朝又允先臣周忱之請稱土均糧凡坵塍灌

注湖流者其土潤依重科畝澮進退潮汐者

其土燥減輕則成宏正嘉以後

列聖循故事遣官濬鑿靡有十載弗舉者

神宗皇帝先命臺臣繼設道臣遍濬江港嗣後停

遣至今將週甲子卽時有澇淺之役然如醫

之治標總無益於原本農人竭蹶培壅收穫

仍儉坐是民多艱食盜風日熾臣仰藉

皇上威靈隨處消弭深維根本水利乃生生之原

臣愚不揣簿書稍隙徧稽典故捧繹

二祖

列宗

詔勅暨

忠敏公遺文卷之三
皇上綸綍字字典謨謹遵奉編輯以昭示萬世他
如臣僚

奏章官司案牘凡紀述疏濬

聖政者悉彙採成書共計三十卷內附志記論說
類等總以證修治之便宜貲費之靡約鑒察
往事確有成則臣不敢忘叅意見於其間也

臣嘗單舸巡汎探溯河渠各繪水圖括以說
略助諸郊原郭郭畢以湖浦江海首尾喉腹
若縱若橫若紆若直若遠若近摹肖形區全
吳諸水之故道曾煩

列聖之

睿畫者恍在目前矣前歲書成擬卽進呈

御覽值臣提兵拒寇而臺臣李模適上封事奉

旨行臣等查核及舊按臣王志舉報

命具覆臣以寇警方熾不敢頻瀆

聖思茲奉

忠節公遺文卷之四
明旨經費錢糧着臣等查議除臣遵奉檄行各屬

并咨浙江撫按衙門查明會同撫臣另疏

奏覆外謹盥沐拜疏先將全書恭

進

御前儻蒙

皇上萬幾之暇畱

神披閱鑒臣苦心以爲將來畚插之成案或亦有

裨於萬一乎臣伏查撫屬蘇松常鎮與浙屬

杭嘉湖昔咸浙西地面賦廣境狹僅在五六

百里內而西高於東數十尋如建瓴甌宣歙

杭注諸水繇霅溪苕溪綏安建康諸水繇金

沙陽羨並趨震澤等湖極東復有岡身偃仰

孟受狂瀾夏禹闢三江洩尾閭又鑿橫江縱

浦以殺其怒奔之勢垂利無窮者三江何吳

淞東江漚江是也東江以築捍海塘廢淞漚

之漲北駛于白茆港今漚江尙幸通流吳淞

白茆因納潮最猛涎積泥沙久不疏導皆成
平陸蓄瀉兩艱潦曠交病則匯諸水之流復
三江之故尤以治吳淞白茆爲綱領而修濬
務須合法如吳水千流萬派脉絡珠聯大儲
小渙則去來順逆之性宜辯也瀕湖瀕江瀕
海之隘口出入濡疾古人於滌洞要處劂閘
築壩則盈縮節宜之義宜知也澤漾泖蕩高
卑之勢本自天造地成今濬江港總歸吐泄
則廣深素定之形宜按也開淘經費有取於
公而公不病有資於民而民不擾則樽節得
宜佚道而使之說宜講也相道里以鳩工量
土方以授值譎回無所售奸樸愿咸得沾惠
則宋臣范仲淹蘇軾等救田兼行飼饑之訓
宜師也餐風吸露野宿店棲毋避怨嫌不辭
瑣屑則我

明夏原吉周忱海瑞姚文灝傅潮林文沛等

忠敏公遺文卷之六
國爾忘家之志宜勵也支放出入必慎必明官
嚴簠簋之飭吏絕狐鼠之叢則相維相制之
例宜核也江港開則列郡並蒙其利室則蘇
松先被其患勿踏白圭之小智以鄰國爲壑
則費力動助同休共戚之誼宜通也設有專
司精神畢聚驗施爲於實效戒粉飾於報完
則課奏之法宜密殿最之典宜明也因彙陳

原委字句益格仰祈

聖明鑒宥施行臣無任激切悚懼之至

崇禎十二年五月廿二日具

題

名對紀事

崇禎十三年正月二十九日臣張國維於江

南巡撫公署接邸報吏部等衙門題爲欽奉

聖諭事奉

聖旨張國維陞工部右侍郎兼都察院右僉都御

忠勤公遺文
史仍帶住俸降二級總理河道提督軍務寫
勅與他仍著作速來京

陛見後赴任欽此當卽恭設香案望

闕謝

恩一面料理兵馬錢糧交盤卷冊於二月初三日
恭辭

孝陵單車就道至三月初七日抵
都宿都察院朝房初九日味爽

皇上御

皇極門臣

陛見畢甫散

朝中使宣

命總河侍郎張國維應天督學御史陳起龍福建
巡按御史詹時雨陪差御史徐之垣入對仍
復連催臣隨閣臣薛國觀蔡國用范復粹姚
明恭張四知魏炤乘暨三御史肅衣趨進

上已御平臺先

召閣臣入侍次呼臣等魚貫而入於

御前鋪設椽薦上行一拜三叩頭禮俯伏久之起

一躬各站班次臣出班跪

御前致詞謝

恩

上曰知道了庶聲叩頭起一躬退還班

上曰張國維過來臣再出班跪

御前

上曰河道重務命爾總理當實圖報効其間利病

多端爾奏來臣奏臣於河道向嘗考究大略

今沿途咨訪亦得其槩但地形之夸險天時

之盈涸工力之難易非親歷其地不能遙擬

向來積弊尤在奸胥婪委扣剋錢糧濫派夫

役工食給不及時印河官又不躬親稽督或

將錢糧那用各衙門復有種七陋規以致虧

工病役

上曰陋規須痛革不職的不時叅來臣奏臣敢不
悉心清釐力任勞怨察有玩縱侵欺之官卽
行叅劾請

皇上重治河以河爲職每事務在必躬必親

上曰爾今卽宜沿途親勘若止任委官便滋弊竇
河道應修處原不多不得虛費錢糧挑淺運

泥向每畱堆河旁遇雨仍歸河中成何挑濬

臣奏臣途間遇河官凡濬泉修河之事雖經

叮嚀今奉

聖諭益加警醒當卽通行嚴飭務令修濬如法

上曰爾肩此重任宜一年做十年之事如有勞績

朕自鑒知而必瞻顧臣奏臣自盡職掌仰惕

功令不敢有所瞻顧惟實心做去期於費省功

倍以報

陛下

忠敏公遺文 卷之三
上曰知道了起來應聲叩頭起一躬退還班次於
時

天語洋々無不明徹幽遐謨垂萬世惟

天威咫尺謹懼在心不能記詳

上以次呼陳御史言學政詹徐兩御史言巡方造
士愛民

德意至周至悉臣幸竊聞三御史各對畢退班中

使宣

上旨賜各官果餅閣臣以下俱出檻外叩謝魚貫
而出各至直房領果餅中使趨向臣言奉

上傳作速赴任料理漕務臣仰承

聖意深切飲冰次早詣午門外謝

恩午時中使捧

欽賞銀幣至朝房臣恭設香案跪迎中使宣讀

御帖云

欽賞差往總理河道工部右侍郎兼都察院右僉

忠節公遺文卷之十一
都御史一員張國維銀四十兩紵絲三表裏
臣叩頭恭領次早詣

午門外謝

恩隨具報單辭

朝十二日於工部衙門到任受事十三日昧
爽

皇上復

御門臣面辭領

勅

上諭翰林官與

勅光祿寺與湯飯臣叩頭捧

勅出

掖門喫湯飯仍於

午門外謝

恩卽於是日出

都赴任繇水路親勘河工祇遵

忠愈不遺文
卷下集
三
明旨也夫河務省注

聖意會推至再至三自揣謏劣謬叨
隆遇恭繹

聖諭殷諄非捐糜能答萬一謹焚盥敘次如右庶
時時瞻悚

恍對

天顏以砥夙夜靖共之誼云

三月十五日臣張國維恭紀

欽差總理河道提督軍務工部右侍郎兼都察院

右僉都御史臣張國維奏爲蒙

恩

陞辭兼程赴任敬奉

欽御矢心仰對

聖明力圖實效事臣惟治河如治身也河流爲漕

輓血脉必血脉貫通然後營衛強精神固而
根本可恃以無慮此非明於疏壅利導之國

手鮮克勝任而臣愧非其人也然臣思天下無不可爲之事功人臣有各當自靖之職業

蒙

恩簡名單車就道

陛見之日親承

聖諭無啓冒破之端收節省之實痛絕陋規矢躬親之力勉期勞績絕瞻顧之心

天語煌七